

Matumuuna Inatsisartut Suleriaasianni § 33 naapertorlugu Naalakkersuisut aalajangiiffigisassatut siunnersuummik matuminnga saqqummiussaqrput:

Uunga siunnersuut: Upalungaarsimanermut inatsimmi aalajangersakkat ilaasa atuutilersinneqarnerannik Kalaallit Nunaannut peqqussummut Namminersorlutik Oqartussat oqaaseqaatissaat pillugu Inatsisartut aalajangiiffigisassaattut siunnersuut.

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisoq)

Tunngavilersuut

Atomip nukinganik atortussiat pillugu IAEA-p isumaqatigiissutaanut allannguutissatut isumaqatigiissummut tunngatillugu Kalaallit Nunaannut nangaanartuutitap atorunnaarsinnissaa pillugu oqaaseqaateqarnissaq pillugu UKA/2015 imm. 158-imik Inatsisartut aalajangiussinerannut nassatarititatut, aamma upalungaarsimanermut inatsisip ilaanik Kalaallit Nunaannut atuutsitsinermut oqaaseqaat pillugu UKA/2016 imm. 129-mik Inatsisartut aalajangiussinerannut nassatarititatut aalajangiiffigisassatut siunnersuut saqqummiunneqarpoq.

Tunngaviusoq

Peqqussummut siunnersuutip upalungaarsimanermut inatsisaaniittut immikkoortut marluk peqqussummut ataatsimut. Atuutilersinneqarput. Immikkoortoq siulleq immikkoortoqarfiup akisussaaffeqarneranut tunngaviusup inatsisitigut atuutsilerneqarneranut tunngassuteqarpoq. Immikkoortoq taanna siornatigut kunnigip peqqussutaanut allaqqaakkami ilaanikuuvoq, Inatsisartut immikkoortoq 129-mi UKA2016-imi aalajangiinermi akuersissutigisaanni upalungaarsimanermut inatsisip ilaanik Kalaallit Nunaannut atuutsitsinissami.

Kisiannili kunnigip peqqussutaa atsiorneqanngilaq atuutsilersinneqaranilu, ukiakkut 2016-imi paasinarsimmat aalajangersakkat sulii allat Kalaallit Nunaannut atuutsilissallugit pisariaqartitsisoqartoq.

Immikkoortup aappaa aalajangiiffigisassatut siunnersuummik Inatsisartut 2. december 2015 aalajangiinerannik tunngaveqarpoq, aalajangiiffigisassatut siunnersuutip akuersissutigineranik sumiiffimmi illersorneqarnissamut/allannguummullu isumaqatigiissutip Kalaallit Nunaannut nangaassutip atorunnaarsinneqarnerani oqaaseqaammut.

Tamanna tunngavigalugu siunnersuutigineqarpoq peqqussummik tamarmiusumik atuutsitaqalernikkut, tassaniillutik upalungaarsimanermit inatsimmi aalajangersakkat siusinnerusukkut Inatsisartunit oqaluuserineqarsimasut, aammalu upalungarsimanermit inatsimmi §§ 37 a, 37 b aamma 37 c, kiisalu § 70-imi iliuuserisanut kinguneqartitsisarnermit aalajangersakkat.

Kalaallit Nunaannut atuutsitsiviutillugu Kunneqarfiup Danmarkip 1980-imi atomip nukinganik atortussiat inissisimaffiini isumannnarnissaat pillugit isumaqatigiissut akuersissutigaa. 2010-mi allannguutissatut isumaqatigiissut Kunneqarfiup Danmarkip akuersissutigaa, taamaattorli Kalaallit Nunaannut allannguutissatut isumaqatigiissutip atuussinnaaffianik nangaanartortalerlugu.

Allannguutissatut isumaqatigiissutikkut atugaqarsinnaaffigisaq allineqarpoq, ingammik tassani atomip nukinganik atortussianik aamma atomip nukinganik ingerlatsivinnik isumannaarinermit sabotagemut ilaatitsisoqalermat. Isumaqatigiissut malillugu atomip nukinganik atortussianik tillinniarnernut, allatullu pisussaaffeqarani pigisaqalernernut atomip nukinganik atortussiat sorsunnerunngitsumut siunertanut atorneqartut illersorneqassapput, aammalu atomip nukinganik atortussiat aamma atomip nukinganik ingerlatsiviit sabotagemut illersorneqassapput.

Isumaqatigiissummik naapertuutsitaqarniarluni atomip nukinganik atortussianik aamma atomip nukinganik ingerlatsinernik sillimaniarnermit tunngasuutitanik iliuuseqarnernut, tamakkuninngalu nakkutilliinernut tunngatillugu inatsisinut tunngatitatut aqqissuussiviliornissaminut Kunneqarfik Danmark pisussaaffeqarpoq.

Isumaqatigiissummut allannguut 8. maj 2016-imi atuutilerpoq, isumaqatigiissullu maannakkut ima taaguuteqartinneqalerpoq: ”Atomip nukinganik atortussianik aamma atomip nukinganik ingerlatsiviit inissisimaffiini isumannaarinissaq pillugu Isumaqatigiissut”.

Upalungaarsimanermit inatsisip allanngortinnissaa pillugu inatsit saqqummiunneqarpoq ilaatigut sillimaniarnermit pisussaaffiit ersarissumik paatsoorneqarsinnaanngitsumillu inatsisitigut tunngaveqartinneri erseqqissarniarlugit, pisussaaffimmik atomip nukinganik

atortussianik atuisoq, toqqortaqartumut imaluunniit assartuisoq, aamma atomip nukinganik ingerlatsivimmik ingerlataqartumut

Kalaallit Nunaannut upalungaarsimanermut inatsisip allanngortinnerata atuutsilereratigut Danmarkimi atuuttunik, aammalu isumaqatigiissummut malitseqartitaasunik Kalaallit Nunaanni sillimaniarnermut tunngasutigut iliuuserisanut tunngatillugu malittarisassat assigiit atuutsinneqalissapput.

Namminersorlutik Oqartussanut aningaasaqarnikkut sunniutaasussat

Namminersorlutik Oqartussanut imaluunniit Kalaallit Nunaanni kommunitut siunnersuut aningaasaqarnikkut imaluunniit allaffissornikkut sunniuteqassanngitsaq missiliuutaavoq.

Inuussutissarsiorfimmu il.il. aningaasaqarnikkut allaffissornikkullu sunniutaasussat

Inuussutissarsiorfimmu siunnersuut aningaasaqarnikkut sunniuteqassanngitsut missiliuutaavoq.

Upalungaarsimanermut inatsimmik allannguuteqarnermut siunertaq tassaavoq atomip nukinganik atortussianik atuisoq, toqqortaqartumut imaluunniit assartuisoq, aamma atomip nukinganik ingerlatsivimmik ingerlataqartumut sillimaniarnermut tunngasutigut pisussaaffinnik tamakkiisumik aamma paatsuugassaannngitsumik inatsisinut tunngatillugu tunngavigisassamik pilersitsinissaq. Pisussaaffigisaq tamanna manna tikillugu allaffissornikkut suleriaaseq tunngavigalugu naapertuutsinneqarsimavoq.

Inassuteqaat

Naaminersorlutik Oqartussat Upalungaarsimanermut inatsimmi aalajangersakkat ilaasa atuutilersinneqarnerannik Kalaallit Nunaannut peqqussutip atuutilernissaa Naalakkersuisut inassuteqaatigaat.

Tusarniaaneq

Siunnersuut Namminersorlutik Oqartussat naalakkersuisoqarfiini tusarniaassutaasimavoq, aammalu piffissami 3. februarimit 3. marts 2017-imut tusarniaanermi nittartakkami tamanut ammasumik tusarniaassutitut inissinneqarsimalluni.

Ilanngussat

1. Upalungaarsimanermut inatsimmik Kalaallit Nunaannut atuutsilerneq pillugu peqqussummik imaqarniliaq
2. Upalungaarsimanermut inatsimmik Kalaallit Nunaannut atuutsilerneq pillugu peqqussummut allaqqaagaq
3. Tusarniaanermi allakkiaq